

ALVER KOMMUNE
Kvernhusmyrane 20
5914 ISDALSTØ

Vår dato: 27.09.2023

Vår ref.: 202219012-5 Oppgi ved kontakt

Dykkar ref.:

Sakshandsamar: Toralf Otnes,
22959527, toot@nve.no

NVE sin uttale - Varsel om endring av reguleringsplan etter forenkla prosess - Fv. 5310 Fosse - Moldekleiv - PlanID 125620160012 - Alver kommune

Vi viser til udatert brev. Saka gjeld varsel om endring av reguleringsplan for Fv 5310 Fosse – Moldkleiv etter forenkla prosess. I samband med arbeidet med byggeplan er det avdekt trong for fleire mindre justeringar av reguleringsplanen. Vi seier oss leie for at vi ikkje har greidd å gi uttale innan fristen.

Om NVE

Noregs vassdrags- og energidirektorat (NVE) er nasjonalt sektormynd med motsegnkompetanse innanfor saksområda flaum-, erosjon- og skredfare, allmenne interesser i vassdrag og grunnvatn, og anlegg for energiproduksjon og framføring av elektrisk kraft. NVE har også ansvar for å hjelpe kommunane med å forebygge skader frå overvatn gjennom kunnskap om avrenning i tettbygde strøk (urbanhydrologi). NVE gir råd og rettleiing om korleis desse saksområda skal takast omsyn til ved utarbeiding av arealplanar etter plan- og bygningslova (pbl).

NVE sin uttale

I oversendingsbrevet er det gjort greie for 21 endringar i plankartet. I tillegg vert det gjort fleire endringar i føresegnene.

Fossekrysset – plankart 001

Justeringar av kryssutforminga i Fossekrysset fører til at ein kort open strekning i bekken (i høve til gjeldande plan) mellom to kulvertar må lukkast. NVE vurderer at det ikkje er naudsynt med ytterlegare handsaming av vassdragsinngrepa etter vassressurslova (vrl). Vi minner også denne gongen tiltakshavar om vrl § 5 om forvaltaransvar og aktsemdplikt, og om § 47 om erstatningsansvar.



Moldekleiv – plankart 005

Det er positivt at de no har kome fram til at bekken kan haldast open i staden for å legge den i røyr gjennom massedeponiet.

Generelle råd

For å få eit fullstendig oversyn over korleis de kan ta omsyn til våre tema i reguleringsplanen rår vi dykk til å nytte våre [internettsider for arealplanlegging](#). Der er informasjonen og rettleiinga lagt opp etter plannivå. Vi vil særleg vise til [Kartbasert rettleiar for reguleringsplan](#). Rettleiaren leier dykk gjennom alle våre fagområde, og gir dykk verktøy og innspel til planarbeidet. Den som utarbeider planen har ansvar for at desse interessene blir vurdert i planarbeidet.

NVE si oppfølging av planarbeidet

Dersom planen rører ved NVE sine saksområde, skal NVE ha tilsendt planen ved offentleg ettersyn. I plandokumenta må det gå tydeleg fram korleis dei ulike interessene er vurdert og innarbeidd i planen. Det er viktig at alle relevante fagutgreiingar innan NVE sine saksområde er vedlagt. Vi ber om at alle plandokument blir sendt elektronisk til NVE. NVE prioriterer å gi innspel og uttale til reguleringsplanar der det vert bede om fagleg hjelp til konkrete problemstillingar. Etter ei fagleg prioritering gir vi hjelp til dei kommunane som har størst behov.

Ta gjerne kontakt på e-post eller telefon ved konkrete spørsmål om NVE sine saksområde.

Med helsing

Øyvind Leirset
Seksjonssjef

Toralf Otnes
Senioringeniør

Dokumentet blir sendt utan underskrift. Det er godkjend etter interne rutinar.

Mottakarar:

ALVER KOMMUNE

Kopimottakarar:

STATSFORVALTAREN I VESTLAND